

Le pauvre commence en chantant

**H**ay auant iehan de niuelle  
Jean de niuelle a .ii. hourseaux  
Le Roy nen a point de si beau  
Mais il ny a point de semelle  
Hay auant iehan de niuelle  
le riche.

Voicy chose non pareille  
Dequoy iouys oncques parler  
Que ie voy mon vopsin chanter  
Toute iour / a si na que frire  
Dieu gard dieu gard. le pauvre.  
Dieu vous gard sire

Auez vous que faire de moy. le riche  
Nenny mais ie suis en esmoy  
Dune chose / Voicy le cas  
Que ie voy que vous n'avez pas  
Un denier pour vous faire raire  
Ne un pauvre tournoys arriere  
Et chantez iousiours sans cesser  
le pauvre.

Par saint iehan vous pouez penser  
Que nay pas peur de mes escus  
le riche

Tu peuy bien penser au surplus  
Que fais mon tresor sans lanterne  
le pauvre.

Et moy le mien a la lanterne le riche.  
Amasse a quant tu seras vieuy  
le riche.

Voy ie seray tousiours ioyeux  
le riche.

Argent est plaisance mondaine  
le pauvre.

Cest commencement de toute peine  
le riche.

Argent faict faire maintz esbatz  
le pauvre

Et a la fin faict dire helas la riche

Qui a cent escus tout comptant  
Il peut bien galler a rire le pauvre

Samet iehan ie nen ay pas tant  
Je nen ay na frire na cupre le riche

Qui a escus il nest en friche  
Vous n'avez garde quil se taysse  
le pauvre.

Qui a des poux en sa chemise  
Il nest pas tousiours a son ayse  
le riche.

Qui a escus a brief parler  
Il peut faire beaucoup de choses  
le pauvre

Qui a ses soulliers percez  
Il a besoing dauoir des chausses  
le riche.

Qui a cent escus tout comptant